



Broj: 02-05-23077

Datum: 05. 07. 2017. godine

Na osnovu člana 23 Zakona o državnoj službi u Kantonu Sarajevo ("Službene novine Kantona Sarajevo", broj 31/16), a u vezi sa članom 7. i 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Kantona Sarajevo", br. 12/03, 34/03 i 65/13), člana 4 stav (1) odluke o standardima i kriterijima za imenovanje lica koja nisu državni službenici u organima državne službe u Kantonu Sarajevo ("Službene novine Kantona Sarajevo", broj 10/17) i zaključkom Vlade Kantona Sarajevo, broj: 02-05-18112-41.1/17 od 23. 05. 2017. godine Vlada Kantona Sarajevo raspisuje

JAVNI KONKURS

ZA IZBOR I IMENOVANJE DIREKTORA ZAVODA ZA IZGRADNJU KANTONA SARAJEVO

1/01 Direktor Zavoda za izgradnju Kantona Sarajevo

I

Opis poslova i radnih zadataka: Neposredno rukovodi, predstavlja i zastupa Zavod, organizuje zakonito i efikasno obavljanje svih poslova iz nadležnosti Zavoda, donosi propise i druge opće i pojedinačne akte za koje je Zakonom i drugim propisima ovlašten i preduzima druge mjere za obavljanje poslova iz nadležnosti Zavoda. Odlučuje u skladu sa Zakonom i općim aktima o pravima, obavezama i odgovornostima iz radnog odnosa državnim službenicima i namještenika, obavlja i druge poslove za koje je Zakonom i drugim propisima ovlašten. Za svoj rad odgovara Vladi Kantona Sarajevo.

II

Opći uslovi koje kandidati trebaju ispunjavati:

- da je državljanin Bosne i Hercegovine;
- da je stariji od 18 godina;
- da je zdravstveno sposoban za obavljanje određenih poslova predviđenih ovom pozicijom;
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije;
- stečena diploma visokog obrazovanja ili druge obrazovne ili akademske kvalifikacije najmanje sedmi stepen stručne spreme, odnosno visoko obrazovanje prvog ciklusa bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa bolonjskog sistema studiranja;
- da se na kandidata ne odnosi član IX 1. Ustava Bosne i Hercegovine.

III

Posebni uslovi koje kandidat treba ispunjavati su:

- završen Arhitektonski ili Građevinski ili Elektrotehnički ili Mašinski ili Ekonomski ili Pravni fakultet;
- da nije ranije osuđivan za krivično djelo;
- najmanje pet godina radnog staža u struci.

IV

Uz prijavu na konkurs kandidati su dužni priložiti (original ili ovjerene kopije) slijedeću dokumentaciju:

- kraću biografiju, adresu stanovanja i kontakt telefon;
- uvjerenje o državljanstvu (ne starije od 6 mjeseci);
- izvod iz matične knjige rođenih;
- univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja;
- potvrdu ili uvjerenje o radnom stažu u struci;
- izjavu da kandidat nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije, ovjerenu od strane nadležnog organa;
- izjavu da se na kandidata ne odnosi član IX 1. Ustava Bosne i Hercegovine, ovjerenu od strane nadležnog organa.

Napomene:

Prije imenovanja na predviđenu poziciju, predloženi kandidat dužan je dostaviti uvjerenje o radnoj sposobnosti (lijezarsko uvjerenje), kao dokaz da je zdravstveno sposoban za vršenje određenih poslova predviđenih ovom pozicijom.

- Dokaz o neosuđivanosti za krivično djelo pribavlja organ koji vrši imenovanje po službenoj dužnosti prije imenovanja kandidata na predviđenu poziciju.
- Za sprovođenje konkursne procedure po ovom javnom konkursu formirat će se komisija za izbor.
- Javni konkurs se sprovodi u skladu sa Zakonom o državnoj službi u Kantonu Sarajevo ("Službene novine Kantona Sarajevo", broj 31/16), Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj 12/03, 34/03 i 65/13) i odlukom standardima i kriterijima za imenovanje lica koja nisu državni službenici u organima državne službe Kantona Sarajevo ("Službene novine Kantona Sarajevo", 10/17).
- Direktor Zavoda za izgradnju Kantona Sarajevo imenuje se na period od 5 (pet) godina, uz mogućnost ponovnog imenovanja u skladu sa članom 27. stav (2) Zakona o državnoj službi u Kantonu Sarajevo.

Javni konkurs ostaje otvoren 15 (petnaest) dana od dana posljednjeg objavljivanja u "Službenim novinama Federacije BiH", "Službenim novinama Kantona Sarajevo" ili u dnevnim novinama.

Nepotpune i neblagovremene prijave, prijave kandidata koji neispunjavaju uslove ovog konkursa kao i kopije tražene dokumentacije koje nisu ovjerene, neće se uzeti u razmatranje.

Prijave sa traženom dokumentacijom dostaviti lično ili putem pošte preporučeno na adresu:

**KANTON SARAJEVO, ul. Reisa Džemaludina Čauševića broj 1, STRUČNA SLUŽBA
VLADE KANTONA SARAJEVO, KOMISIJA ZA IZBOR KANDIDATA NA POZICIJU
DIREKTORA SAMOSTALNE KANTONALNE UPRAVE I SAMOSTALNE UPRAVNE
ORGANIZACIJE**

sa naznakom

**"Prijava na javni konkurs za izbor i imenovanje direktora Zavoda
za izgradnju Kantona Sarajevo".**

Prijave na konkurs dostaviti u zatvorenoj koverti, sa naznakom "NE OTVARAJ".

PREMIJER

Elmedin Konaković